

金鄉縣志卷十六

詩詞

樂志詩一

漢仲長統

飛鳥遺跡蟬蛻七殼騰蛇棄鱗神龍喪角至人能
變達士拔俗乘雲無轡騁風無足垂露成幃張霄
成幄沆瀣當餐九陽代燭恒星艷珠朝霞潤玉六
合之內恣心所欲人事可遺何為局促

其二

大道雖遺見幾者寡任意無非造物無可古來繞
繞委曲如瑣百慮何為至要在我寄愁天上埋憂

金鄉縣志

卷十六

詩詞

一

地下叛散五經滅棄風雅百家雜碎請用從火抗
志山栖游心海左元氣為舟微風為旆遨翔太清
縱意容冶

金鄉薛少府畫鶴贊

唐李白

高堂閒軒兮雖聽訟而不擾圖蓬山之奇禽想羸
州之縹緲紫頂絕烟丹眸星皎昂然停眸霍若驚
矯形留座陽執出天表謂長鳴於風霄終寂立於
霜曉凝翫益古俯察逾年舞疑傾市聽似聞絃儻
感至精以神變或可弄景以浮烟

金鄉送韋八之西京

客自長安來還歸長安去狂風吹我心西掛咸陽
樹此情不可遺此別何時遇望望不見君連山起
烟霧

寄金鄉張贊善

宋王禹偁

年少辭榮自古稀朝衣不着着斑衣北堂侍膳侵
星起南畝催耕冒雨歸種竹野塘春笋脆採蘭幽
澗露牙肥伊予自是徒勞者未得同尋舊采薇

題金鄉張氏園序

宋邑令石延年

亭館連城敵謝家四時園色闢明霞窓迎西渭封
侯竹地接東隣隱士瓜樂意相關禽對語生香不

金鄉縣志

卷十六 詩詞

二

斷樹交花縱游約會無留事醉待參橫落月斜

贈劉潛歸陶丘詩

丈夫未大用身與仁義閑可宜更聚散風塵摧其
顏君今歸荷澤路出梁宋間梁宋有吾廬親老待
我還矧復君先歸因君頭應斑春老有時回人老
不再少草白有時榮髮白不再好人生不如春髮
生不如草可嘆送別春草前青春未老人先老

贈邑令聶天佑

金太守劉正奉

古縣河分派舟航泊渡津鬧荷翻綠蓋美膾切霜
鱗原野雲禾秀烟村溪叟淳女修織紉巧男務耨

耕勤慎勿刑威重宜寬惠愛均勉哉賢令尹惠愛
在憂民

過楊公却金處

明薛瑄

誰能介性抱和衷笑却黃金暮夜中千載四知臺
下路蕭蕭松栢自清風

積石謁禹廟

明邑人周久中

山開一壑怒濤奔神禹功高萬古存疏鑿自來先
積石源泉久已叙崑崙鯨吞萬水歸東海龍繞三
秦下孟門一覩河流思帝力辦香聊以答洪恩

別山陽諸友

明邑令彭鯤化

金鄉縣志

卷十六

詩詞

三

漫說河陽花似潘滿城幸種畹中蘭陽春誰道希
人和明月偏來向我看壁府茫茫星斗遠書臺寂
寂典墳殘范張千古情難斷何日重來舊雉壇

別山陽父老

來時騎竹去投錢珍重緡民滿道前豈把愁鄉成
樂土那將苦井變甘泉五年渾是家為縣兩舄誰
言令是仙別後無能酬父老祝天長願賜豐年

遊太岳御帳懷古

明邑人周濟用

御帳何年佇翠巘秋深孤客此躋攀巖花細細垂
清露風葉蕭蕭起暮寒流水聲中秦帝樹白雲堆

裡漢家壇幾回欲認前朝字古碣苔深未易看
秋水成河城頭晚眺

漂泊城頭坐晚風碧天連水望融融夕陽遠棹來
天上夜月山樓插鏡中百里稀看垣屋在四圍惟
聽榜歌同愁深欲上蓬萊閣何自乘橋跨海東

八景詩

莎嶺春晴

明邑人 周濟川

一夜東風振早春晴光景物逐時新杏林日映紅
開錦莎嶺風梳綠展茵趣暖好音留倦鳥樂遊便
臥戀行人王孫何處尋芳草莫厭追懽向此頻

金鄉縣志

卷十六

詩詞

四

前題

明邑人 周濟川

連朝風雨出無因此日芳郊春可人每為鶯花牽
酒債閑從童冠樂天真桃花吐艷晴張錦草色和
烟暖列茵醉倚翠微纖月上霞觴細酌晚移輪

陽山雪霽

周濟川

陽山壁立勢崔嵬瑞雪初收晴景開大地山川銀
世界楚王宮殿玉樓臺冰花塞壓孤巖樹月影斜
侵近嶺梅佳景眼前開畫卷狂吟閣筆媿非才

前題

周濟川

嶽脉寵從特地來晴峰砥柱自崔嵬千巖霽雪開

圖畫萬樹瓊枝變草萊短髮不妨頻落帽壯懷悵
望一登臺玉簫何處吹明月徙倚松雲諒落梅

涑水朝烟

周濟川

水繞孤村遠接天朝來時景鎖寒烟行人凝望迷
官渡漁父貪眠繫釣舡羣鷺忘機立淺渚游魚得
水躍深淵臨流亦有垂綸者誰識飛熊為訪賢

前題

周濟川

烟籠環渚帶層城野渡悠然自濯纓槎漫桑田秋
漲濶月明隄柳夜潮平魚遊碧沼頻吹浪鷺近澄
江欲結盟民瘼每為積勞苦憑誰一瀆下流情

金鄉縣志

卷十六

詩詞

五

春城晚照

周濟川

遙望春城日漸斜煙嵐深鎖野人家晴光萬里仍
迴照綠樹千章總不遮潦水歸人喧野渡踈林古
木點寒鴉牛羊已下柴門閉猶自東窻射碧紗

前題

周濟川

登臺載酒典春衣一任酡顏對夕暉烟柳千章頻
引望汀鷗羣立已忘機滿擬清興沉沉盡莫遣紅
英冉冉飛萬慮捐心成獨往陶然薄暮候荆扉

墳臺峙秀

周濟川

墳臺高峙孔墻東秀毓蒼龍氣勢崇人力修為寧

歲月地靈融結自鴻濛登臨深夜邀圓月感慨當年憶古風爭說焚書秦帝者訛傳孟浪似難通

前題

周濟用

翠微高閣倚層城漫說詩書煨燼名道脉不因秦火滅文光益向魯儒明青衿自昔登臨遍白首重遊感慨生萃先此中蟠秀氣澄江勁栢若為情

壽河煥文

周濟川

數仞墻邊一鑑泓源泉汨汨瑩然清風行波浪千層卷水煥文章萬疊明星斗夜涵光燦爛魚龍春化角崢嶸青衿士子皆英儁時聽鳴雷第一聲

金鄉縣志

卷十六 詩詞

六

前題

周濟用

水光擁翠小橋橫一派源分洙泗清綠繞宮墻新氣象晴看鳧雁待飛鳴文臺對峙供吟望綺閣東臨溢誦聲應有神龍潛淵底玉壺如洗碧波澄

仙橋步月

周濟川

驅石何人建此橋長虹高駕入青霄往來蟾窟通雲路出入鵬程逼斗杓題柱當年榮駟馬填河七夕笑殘翔月明光閃源泉活似立金焦望海潮

前題

周濟用

有客乘鸞此地行依然光霽近人情懸車慙負題

橋志挾斧虛疑修月聲層塔蘸波千尺迥長吟散
步九愁輕尋常三五寒輝滿水面憑欄分外明

寶塔摩空

周濟川

層層寶塔自玲瓏高插青霄壓梵宮峰影夜圓滄
海月鐸聲時振碧天風紆迴地理連齊魯繚繞山
川接岱蒙絕頂振衣天地小却疑身在五雲中

前題

周濟用

聞說浮圖十里鈴招搖此日見峻嶒比丘識得翔
鴻戒阿育曾傳舍利名峭級插雲連靜界危欄倚
漢對禪燈欲知最上莊嚴象應是支公慧力成

金鄉縣志

卷十六 詩詞

七

題范張祠

明大中丞 徐源

太學儒生早著奇丘山可動信難移一言偶訂平
生約千里來同咫尺期誰道素車臨窆者只如雞
黍上堂時死生友道完如璧幾欲低頭拜漢祠

前題

國朝大中丞 蔣陳錫

我承

簡命來東土村農媿媿談雞黍范張一事偶流傳何
必今人不如古酒酣嘆息貧交行金石緋袍同臭
腐王貢蕭朱比盍簪陳雷管鮑如肺腑自謂同心
利斷金自誇標榜忘爾汝凶終隙末反掌間富貴

風雲成怨府吁嗟乎友朋義氣並天親聖訓煌煌
列第五死生然諾判須臾膠漆蓬蔴均樂苦胡為
獨讓范巨卿千里結言無舛午埋屍停柩託妻孥
高義于今著齊魯下車把臂孔仲山導騎相迎衝
卒伍勝蹟庸行本平常貧賤之交不可侮吾聞儒
者術最尊合志同方難悉數青松白水在山林平
生肝膽知誰許一朝祠宇並乾坤誰其新之令為
主况受生成雨露恩臣忠子孝惟君父願使斯民
慕令名麒麟鳳鳥爭先覩

前題

督學使者黃叔琳

金鄉縣志

卷十六 詩詞

八

道交金石盟世交雲雨態緬懷范張祠寥廓生長
喟分聯生死間氣感幽明際抗義砥狂瀾五常萃
天地東京猷行高兩賢絕攀跂數年踐久要醞酒
停驂至拜母肅升堂孺子延欣侍古歡雞黍餘一
夕千秋事生別葬關河肫誠貫存逝不見故人容
但通死友志魂魄墜虛冥衣冠來夢寐嗒焉忽驚
號傷哉闕哈禭素車黯西犇應期及窀穸執紼告
長辭形離神豈背刳折一寸心送入三泉內死者
更何須生者真無愧憑棺聽數言今古同揮涕真
氣激顏頰詎在營封瘞淳風一二傳鬚眉儼英粹

不論陳平子妻拏護喪匱不問孔仲山把臂憐怵
悴吾嗟鳴鳥哀谷風道久敝張陳悼凶終蕭朱悲
晚替塵途意氣交啣杯示肝肺利害輒掉頭死生
那可計兩賢卓清標羊左應堪繼俯視車笠徒徵
逐爭羶膩當時千里交茲土同堂祭逡巡委蒿萊
良宰勤修治東緡杰士多感式青雲義潔醴薦肴
蔬陶陶舊風致九原如復生萬祀存高契

前題

大方伯侯居廣

傾蓋終身共此忱周郎醇酒伯牙琴須知臨壙千
行淚是信升堂一片心水淺蓬萊疑有日情堅金

金鄉縣志

卷十六

詩詞

九

石獨知音欲教俎豆馨香徧好使交遊效古今

又

莫作標竒示異看久要惟使不盟寒祇因覆手驚
如雨益重同心氣若蘭夢寐可通曾引締英靈如
在應彈冠素車白馬翹思處遙向崇祠薦玉盤

前題

大觀察李發甲

東漢范張二賢高行卓絕至明萬曆間始為建
祠久而傾圮庚寅歲金鄉宰沈君景源請捐
貲葺之余嘉其慕古茲鳩工落成索詩紀勝
賦以應之

東漢流風友道深名賢遺蹟杳難尋殘碑猶帶龍
蛇影古廟長存蘿薜陰高行五倫逾九鼎平生一
諾擬千金若非穰穰煇煌處辜負芬芳蘭蕙心

又

千里相期別二年阿誰肯泛剡谿船地隣鄒魯觀
摩近人是羲皇信義傳雲護檀園懷化鶴月明華
表聽啼鵲世間多少心非者試向祠堂拜兩賢

前題

東充觀察年欽元

自古多生交誰堪稱死友讀史得一人為漢廬江
守當在太學時名與元伯偶異地結同心道合良

金鄉縣志

卷十六

詩詞

十

非苟相約拜尊親如期醉醇酒雞黍各盡懽信輒
感其母所以慕義者恨不一握手留語託妻孥卒
踐長沙走宜乎歎下泉待之而舉柩情至神可通
形骸亦何有我昔客山陽草沒春城阜東門祠復
湮詩碑僅未培四顧懷芳規慨嘆及隣叟今來駕
使車范叔嘖羣口穰穰昂然新遂得薦俎貞興廢
關世教表賢為化首用此振頽靡茂宰頌沈某

前題

濟寧觀察劉光業

髫齡未換書生面餘力時頻翻史傳忠孝廉隅亦
有人惟敦友道無多見爰稽漢代溯懿行青史留

傳范巨卿拜母不愆雞黍約迄今千載重芳名論
交自古難要久元伯知君為死友假若當年遇變
遷不誇管鮑和嬰白可恠長沙陳子乎臨終遺囑
見何明若非范叔多豪俠誰起託妻寄子情自是
英風存宇宙更逢賢宰為先後適觀廟貌儼若斯
愧我未能陳俎豆遙拜高風深仰止先生碩德無
能比君不見蜃樓百尺海天雲友道今人類如此

前題

濟寧觀察許大定

每臨古昌邑攬轡思巨卿無忘拜母約雞黍陳前
庭汝陽隔山陽悠悠千里程片言洵不易君子貴

金鄉縣志

卷十六 詩詞

二

素行秉心敦夙好生死存精誠縞車與白馬氣誼
良非輕所全在性分詎嗜後世名殘碑沒草萊猶
載金石情賢哉沈令君繡像復丹楹將以風末俗
匪徒薦肥牲世之翻覆者胡不懷先型

前題

本郡太守吳頤

先生之義高千古芳躅於今表故土當年約信久
不忘如期登堂為拜母元伯知人不世有交分生
友及死友生友生時情固殷死友死後成不朽英
爽昭然入夢來訣將生死足悲哀投日亟馳千里
去那知及壙尚徘徊忽然號來素車裡阿母知是

巨鄉至數言叩慰泉下人執紼進前留塚次兩賢
交道通幽明寧僅當時人感涕郅殷自云能盡心
覩此方信死友異臨湘無媿委書人新野尤憐導
騎隸昔猶異地契同心今共一堂妥並祀吁嗟乎
人情翻覆竟茫茫金石垂型賴范張先獲令名有
左羊陳雷膠漆更堪揚藐然紛紛孫與龐須知扶
世在綱常時移物易顏宮墻賢宰顧瞻興感傷經
之營之祠宇光千秋馥郁綿烝嘗鶴唳猿啼驚北
邛清風皎月來中堂長碑短碣競詞章虬松鳩相
飛青蒼仰止遺徽高且長泰山屹屹海洋洋

金鄉縣志

卷十六

詩詞

十一

前題

黃河分府 宋基業

桃李無勁質經冬不復榮裘馬無善交難以托死
生遐哉張汝南投契范巨卿結言信千里尅期訪
柴荆素車前會塋夢寐通精誠至今山陽郡人傳
雞黍城所嗟時代遠詞宇久歌傾茂宰修廢墜一
朝重落成詩文矧碑版俎豆豐染盛斷金表風義
友道庶以明愧彼餘耳流隙末獨何情

前題

邑令沈淵

氣分光嶽幾千春死友乾坤見兩人道合豈從存
信誓情深直與貫精神當年雜黍石風猶在此

漿祀更新珍重良朋長配食山陽高誼許誰隣

又

雞黍人間久艷稱休風何幸此親承新祠早見堪
旋馬古墓無勞更續燈我欲借將扶世教君真雅
不負良朋山陽汝水精靈在俎豆誰家得並登

前題

張霖

元伯雖賢藉巨卿史傳獨行冠東京功名也憶廬
江守信義先崇太學生款款下泉今似昔峩峩列
像毀還成要知死友何嘗死千古長馨雞黍情

前題

孫中翹

金鄉縣志

卷十六 詩詞

三

我愛范張雞黍風明時俎豆漢時封一千里外雲
和樹數十年間竹與松青眼阮生空自悼白頭鮑
子許誰逢乾坤知己今何在幾欲鴻冥大海東

前題

周格

每從春樹聽啼鳥彷彿精靈尚可呼鄉里久溷明
俎豆衣冠重肖漢生儒試看此日丹雞合猶憶當
年白馬孤友道即今衰替甚倫常端的要人扶

前題

蔡琳

范張有芳躅祠祀仍比肩詎知千載後頽廢迷蒼
烟緡侯沈休文奮起復椽杵雞黍曠古今春秋有

豆籩過客幾停車瞻拜且流連所重金石交死
情益堅素行通神明青史光無前山陽留村社汝
水表高騫肅此維世教臨風懷兩賢

前題

金輅

難得交情徹死生年來雞黍尚流聲同心孰可追
元伯並祀真堪配巨卿祠畔曉風悲去馬墓前春
樹開啼鶯廬江故里依然在更欲驅車問古城

前題有序

毛遠宗

康熙庚寅十月余遊東緡適顧齋明府新范張
祠落成因謁祠下紀以詩

金鄉縣志

卷十六 詩詞

十四

山陽城外新古祠東漢名賢百世師師賢復古誰
有力賢哉茂宰擴芳規伊惟茂宰吾密友友道勤
惓若蘭臭飛鳧恰在信友鄉好共范張垂不朽祠
宇垂來歲月長風雨剝蝕幾滄桑交情款款終難
泯死友不死留馨香只今新祠拜祠下巋然二像
如秦華礧石鐫文生光輝獻雞薦黍仍膾炙此鄉
風俗樸且淳此際流連舊與新千古風流歸獨行
一時雅化重人倫誰謂古今不相及力挽東京振
頽習我從良友心儀之祠下松筠長拱立

前題

戴援

山陽不聞汝陽情
兩地世共成松栢盟
千里詎忘拜
母約一朝忽夢故人
行芳型尚誌前朝
石村落猶傳漢代名
我亦平時慕信義
好憑祠宇拜先生

前題

孫才衡

古人重死友一日貞
百年道義所素結
情逾金石堅精誠相感
召足以徹九泉我昔
讀漢史遐哉慕兩賢
巨卿與元伯炳炳照
青編軼事每三復齒
頰生芳鮮比來逐衣
食載筆滯緡川遂得
訪遺蹟荒碑尚巋然
祠堂沒塵草鄉里缺
豆籩沈侯有懿好躬
為名教先雅志表獨
行舊址築新椽神迎
汝水可繼憑吊空雲
天

金鄉縣志

卷十六

詩詞

五

前題

徐如津

汝水山陽道並存
重看父老薦芳蓀
金蘭自是逢賢主
雞黍依然表古村
天壤都堪留俎豆
山川原不隔精魂
祇今過客登遺壠
宿草還疑有淚痕

前題

朱有馮

鬱鬱山陽雞黍城
長同汝水紀芳名
我來剛值新祠立
展拜如親舊日盟
風雨臺空平楚碧
星辰壁合一堂明
試看碑碣當行路
可有中郎黃絹評

前題

沈霖

信士不易覲高風契范張死生感異路友道千春
芳顧瞻雞黍邨好古綿烝嘗仰止結寸心盟誓真
荒唐

擬招魂為義烈女賦

徐克岐

憶昔明之季板蕩在中原天心欲開治有寇實徒
繁江浙漫縱橫川陝任攀援議撫文墨誤議勦劔
戟寃勢燄風颺動腥血水潺湲順逆總顛倒山河
忽轉及逢城城自破遇屋屋即燔馬後婦人坐馬
前人頭擗嬰兒戲鎗槩健兒逼橐鞬星羅踏既碎

金鄉縣志

卷十六 詩詞

六

敢窺紫薇垣三邊飛馬度千里無疆藩高傑舊流
寇鷄子向天翻竊女來歸正黃河洗舊痕餘孽隳
符輦無識同戴盆臨河怯南渡反旆思北奔怙終
真豺虎恣意肆噬吞騷擾左右縣憑陵遠近村狐
鼠敢行詐來賺我城門肩輿舁疲卒呵呼自稱尊
壕邊牧馬鳴廓內攬雞豚當時涵涵懼假真何足
論敵樓堆巨炮烟火禁不歎堞口積弓弩斷絃絕
矢根諸人心膽裂謀旦不及昏壯者夜縋城弱者
避井簪智勇一時困賊營忽轟喧馬上誰家女灼
灼非田園風塵汚顏色
自軒軒約來未二旬

皂綈籠白禪幅中壓眉目據鞍起復蹲仰呼守堞
者休言賊語溫虜我良家子何用問清渾瘳狗獠
獠吠交必害名媛烈骨沒青草義血濺萍蘋詭謀
須臾敗鍛羽自還轅詰朝賊遯去全城賴一言感
深無以報建祠獻彝罇特殺一羔羊五豆又四敦
結社萃牲豕貧不厭簋殮廢然長太息難酬高厚
恩亂曰俠女兮義士烈婦兮仁人鬚眉生巾幗幹
旋補乾坤不知何姓氏稱之以俠烈號之以仁人
祀之以春秋勒之以貞珉億萬斯年兮庶幾名與
緡俱存不知何鄉貫或隱隄之畔或駐城之角或
居江之湄或遊山之阿晦明風雨兮在在皆可賦
招魂

題義烈女祠

毛遠宗

伊昔明之季蛇豕恣縱橫郡邑多不保誰能庇其
生我今山陽吊烈女當日全城功足數碧血常同
春草滋孤魂尚與長軒吐城西廟額正巋然遙接
城中萬戶烟遺老過時皆泣下舍生之死為誰堅
吁嗟乎人生疇不死之子乃死義一死生萬人至

今有生氣問是誰家冰玉姿馬坊屯破記依稀相傳

賊破馬坊屯有車戶之女方十
九被虜相隔二日必是女也芝草醴泉隨地出

星精婺宿向天遺自來烈女傳史冊半為人倫完
清節此女完節為完城取義成仁光更烈茂宰留
心世教殷闡揚微顯筆如山時沈侯修邑乘為立
義烈女傳並書傳後
又作論一篇極其詳他年惇史如相擇只在陽山
覈以待史官之採擇
片石間

吊義烈祠

蔡琳

之子罹屯難忼愾全金城一朝捐白壁萬古傳香
名祠影儼若存羣黎表寸誠當其賊東訶屠掠恣
驕橫厲聲誡門者霜刃甘自櫻戕戕邑城西寒食
悲風生過客每瞻拜千載有遺榮

金鄉縣志卷

附災祥

天道與人事默相感應故洪範列庶徵而春秋於日月風雨及禽蟲草木之異必書之厥後歷代史家取以為法誠欲因變修省莫或戲淪也令為一邑長職在布德和令天人之際可不謹乎志災祥

漢

地節四年山陽雨雹大如雞子深二尺五寸飛鳥

皆死

是年十月大司馬霍禹宗族謀反霍后廢

建昭五年山陽橐茆鄉有大槐樹吏伐斷之其夜

金鄉縣志

卷十六

災祥

十九

樹復立故處

河平四年夏四月山陽火生石中

陽朔元年七月月犯心

陽朔三年春三月壬戌山陽隕石于郡東八

永始二年二月山陽郡鐵官奴蘇令等數百人殺

長吏叛

建平四年四月山陽雨血廣三尺長五尺大者如

錢小者如麻子

後二年王莽擅朝貴戚大臣多被誅戮

延禧四年有星孛於心

初平二年九月蚩尤旗見長十餘丈色白

占曰蚩尤旗見

主征伐四方其後曹操征討天下且三十年

魏

景初元年九月兗徐豫三州水出溺殺居民漂失

財產時魏崇飾宮室妨害農戰觸情恣欲水不潤下之應

晉

咸寧三年十月青徐兗大水是時賈充用事專恣正人疎外陰氣盛也

太康二年六月高平大風折木發壞邸閣四十四

區

元康五年六月徐兗豫大水時帝即位已五載猶未郊祀其蒸嘗亦多

不親行事此簡宗廟廢祭祀之罰

金鄉縣志

卷十六

災祥

二十

東晉

太和元年燕寇兗州陷高平數郡三年桓溫伐燕

郗超曰道遠河淺糧運難通溫不從六月至金

鄉使將軍毛虎生鑿鉅野三百里引舟自清入

河

南北朝

宋元嘉二年冬十一月丙辰白鳥見山陽太守阮

保以聞

十七年秋七月壬申甘露降高平金鄉富民村

方三十里徐州刺史趙伯符以聞

北齊天寶三年七月己未客星見房心白如粉絮
大如斗長如匹練漸大東行入壘至婁凡六十
有九日而滅屬魯宋分占曰兵喪饑旱

南宋

紹興三十一年即金大定元年五月河決淹沒曹單金鄉

民居廬舍殆盡

元

至順三年金鄉魚臺大水

至正四年六月單州金鄉魚臺大水傷稼人相食

明

金鄉縣志

卷六

災祥

三

景泰元年春二月金鄉產芝一莖于文昌祠

弘治十七年秋九月金鄉地震越十日復震

正德五年九月初二日流賊寇金鄉陷城

嘉靖二年河決大水

二十五年黃河決冰沒廬舍田禾居民多溺死

者

三十四年九月民家產一牛二首一尾

壬戌十一月二十七日月掩心西星在心三度

癸亥二月己巳月犯心宿西星离一十四分四

月月犯心西星离二十四分

隆慶二年春三月大雷雨壞民屋震死民婦薛氏
三年雨水傷稼

五年辛未九月桃李華牡丹再開至十月不霜
萬曆元年四月初二日辛亥巳時地震房舍搖動
有聲

四年河決大水沒禾淹壞民屋大半
六年冬大雪深三尺許竹盡枯果樹死大半民
有凍死者

泰昌元年即天啟元年十月雨冰
天啟二年三月十五日太白經天一月有餘

金鄉縣志 卷十六 災祥 三

崇禎十一年春旱六月始雨連沛三月平地成河
水流百日

十三年旱蝗大饑
十四年大饑土寇蜂起路斷人行

皇清

順治

四年元旦雷震

十七年八月地震冬月大寒凍死樹木牛畜

康熙四年亢旱 詔免本年錢糧遣官二員發帑

賑濟

七年春正月有白氣亘天自西北直射東南六月十七日地震有聲移時乃止

十一年正月二十一日戌時星大如斗其赤如

日自西而東散作七星光曜燭天是歲冬滇南吳三桂叛

十九年十一月彗星出西南迤東北兩閱月而

沒

二十一年十一月二十六日戌時隕星大如斗

聲若雷震爛若月光須臾落于西南

二十二年夏不雨麥霽至六月大雨平地水深

三尺廬舍田禾淹沒冬饑

金鄉縣志

卷十六

災祥

三

二十六年秋七月雨水傷禾

四十一年秋閏六月雨水傷禾

四十二年二月大雨四月十七日二十八日連

雨雹六月復大水 詔蠲四十三四兩年田租

遣官發粟散賑

四十七年秋七月旱

四十八年夏五月大水秋七月復大水冬饑

詔蠲四十九年田租

按邑乘由明萬曆七年商丘楊君任內創修其

志災祥自漢宣帝地節四年始以後次書之亦

可云備矣及康熙十二年渤海傅君任內重修未解何故削而不記倘踵彼踈畧則久益漫漶無稽殊非敬天恤民之義也今特分列補載之其中間雖缺百有餘年幸博採文獻十不失二三謹增入以備考察云

胡汝桂曰天道非遠人道非邇調燮裁成儒家化理觀天修人盡人事天仰觀俯察一氣昭然熒惑退舍宋侯可師灾祥不畏荆公怙非

見舊志

